

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj: 7/10 i 3/23) i članova 52. stav (4) i 60. stav (2) Zakona o izvršavanju Budžeta Zeničko-dobojskog kantona za 2025.godinu („Službene novine Zeničko-dobojskog kantona”, broj: 25/24, 6/25 i 12/25), na prijedlog Ministarstva zdravstva, Vlada Zeničko-dobojskog kantona, na 124. sjednici, održanoj 10.04.2026. godine, d o n o s i

ODLUKU

o usvajanju Izvještaja o utrošku sredstava po Programu utroška sredstava Ministarstva zdravstva na poziciji “Transfer drugim nivoima vlasti“ - „Tekući transfer za Kantonalni zavod za medicinu rada i sportsku medicinu“ - Izvor 10 Budžeta Zeničko-dobojskog kantona za 2025.godinu

Član 1.

(Predmet)

Usvaja se Izvještaj o utrošku sredstava po Programu utroška sredstava Ministarstva zdravstva na poziciji “Transfer drugim nivoima vlasti“-„Tekući transfer za Kantonalni zavod za medicinu rada i sportsku medicinu“-Izvor 10 Budžeta Zeničko-dobojskog kantona za 2025.godinu („Službene novine Zeničko-dobojskog kantona“, broj: 3/25), koji čini sastavni dio ove odluke.

Član 2.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 3.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-7161/26

Datum, 10.04.2026. godine

Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a

**IZVJEŠTAJ O UTROŠKU SREDSTAVA
PO PROGRAMU UTROŠKA SREDSTAVA MINISTARSTVA ZDRAVSTVA NA
POZICIJI „TRANSFER DRUGIM NIVOIMA VLASTI“-„TEKUĆI TRANSFER ZA
KANTONALNI ZAVOD ZA MEDICINU RADA I SPORTSKU MEDICINU“-IZVOR
10 BUDŽETA ZENIČKO-DOBOJSKOG KANTONA ZA 2025. GODINU**

I UVOD

U skladu sa članom 39. stav (3) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), sredstva utvrđena u razdjelu 21, budžetska organizacija 01, potrošačka jedinica 0001, Budžeta Ministarstva zdravstva, ekonomski kod 614100, pozicija „Tekući transferi drugim nivoima vlasti“, koriste se prema programima utroška koje donosi Vlada Kantona.

Finansiranje javno-zdravstvene djelatnosti medicine rada se vrši na način da 85% finansira Zavod zdravstvenog osiguranja Zeničko-dobojskog kantona, a 15% ukupnog iznosa se finansira iz Budžeta Kantona, što je u skladu sa odredbama Naredbe o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine („Službene novine Federacije BiH“ br. 82/14, 107/14 i 58/18).

Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 12/25 i 23/25) na razdjelu 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX007, pozicija „Tekući transfer za Kantonalni zavod za medicinu rada i sportsku medicinu“ planirana su sredstva u iznosu 28.000,00 KM.

Vlada Zeničko-dobojskog kantona Odlukom broj: 02-11-2774/25 od 14.02.2025. godine usvojila je Program utroška sredstava Ministarstva zdravstva na poziciji „Transfer drugim nivoima“-„Tekući transfer za Kantonalni zavod za medicinu rada i sportsku medicinu“-Izvor 10 Budžeta Zeničko-dobojskog kantona za 2025. godinu u iznosu 28.000,00 KM.

Članom 52. stav (4) Zakona o izvršavanju Budžeta Zeničko-dobojskog kantona za 2025. godinu propisana je obaveza organa uprave da o utrošenim sredstvima po usvojenim programima polugodišnje izvještava Vladu Kantona.

II REALIZACIJA PROGRAMA

Odlukom o odobravanju sredstava broj: 02-11-3576/25 od 28.02.2025. godine odobrena su sredstva JU Zavod za medicinu rada i sportsku medicinu Zeničko-dobojskog kantona u iznosu 28.000,00 KM za sufinansiranje projekata iz oblasti javnozdravstvene djelatnosti medicine rada u 2025. godini:

1. Analiza povreda na radu u Zeničko-dobojskom kantonu i
2. Prevencijom psihosocijalnog rizika do zdravog radnog mjesta.

Sredstva odobrena odlukom transferisana su u ukupnom iznosu na žiro-račun JU Zavod za medicinu rada i sportsku medicinu Zeničko-dobojskog kantona dana 28.02.2025. godine.

U skladu sa članom 4. navedene Odluke o odobravanju sredstava JU Zavod za medicinu rada i sportsku medicinu Zeničko-dobojskog kantona dužna je izvijestiti Ministarstvo zdravstva o namjenskom utrošku sredstava dostavljanjem izvještaja o realizaciji projekata za period januar-decembar 2025. godine do 31.01.2026. godine.

JU Zavod za medicinu rada i sportsku medicinu Zeničko-dobojskog kantona svojim dopisom broj: 440/26 od 26.01.2026. godine dostavila je Izvještaj o utrošku sredstava na poziciji „Transferi drugim nivoima vlasti“ Ministarstva zdravstva za 2025. godinu sa priložima: „Analiza povreda na radu“, decembar 2025. godine i „Prevencijom psihosocijalnih rizika do zdravog radnog mjesta-Bankarski sektor“, decembar 2025. godine, koji su sastavni dio ovog izvještaja.

U izvještajnom periodu provedeno je prikupljanje podataka o povredama na radu i statistička analiza podataka, koja je osnova za utvrđivanje uzroka nastanka povreda na radu u cilju provođenja mjera zaštite kako bi se rizik povređivanja doveo na prihvatljiv nivo. Pored navedenog identifikovani su psihosocijalni rizici za bankarski sektor i izrađene mjere prevencije u cilju stvaranja zdravog psihosocijalnog radnog okruženja.

Struktura utrošenih sredstava za realizaciju navedenih projekata je data u sljedećoj tabeli:

Rbr.	Vrsta troška	Iznos utrošenih sredstava u KM
1.	Troškovi zaposlenih (bruto plata)	23.730,00
2.	Uredski i administrativni troškovi	4.270,00
Ukupno		28.000,00

Ukupni troškovi po osnovu Tekući transfer za JU Zavod za medicinu rada i sportsku medicinu Zeničko-dobojskog kantona iznose **28.000,00 KM**, što je 100,0% sredstava planiranih Budžetom Zeničko-dobojskog kantona za 2025. godinu.

Prilog:

1. „Analiza povreda na radu“, decembar 2025. godine i
2. „Prevencijom psihosocijalnih rizika do zdravog radnog mjesta -Bankarski sektor“, decembar 2025. godine.

Zenica, mart 2026. godine

MINISTRICA

dr Aida Salčinović